

AKEBAI

IZENBURUA: AKEKIDEAK

DESKRIBAPENA: AKEBAI Batzarra osatzen duten kideak dira. Akekide izaera edukitzeko fitxa bat bete behar da erregistratuta geratzeko. Fitxa sinatzen duenak adierazten du Euskararen Plan Estrategikoarekin bat egiten duela eta kide izateak dakartzen egitekoak eta betebeharrak onartzen dituela.





AKEKIDE

EIBARKO HIRIA EUSKARAREN PLAN ESTRATEGIKOarekin bat egiten dut, eta AKEBAI Batzarreko kide izateak dakartzan egitekoak eta betebeharrak onartzen ditut.

NORBANAKOA

ORDEZKARIA Ordezkatzen dudun talde/elkarte/erakundea: _____

Kontakturako datuak:

Izen-abizenak:

NAN:

Jaiotze data:

Helbidea:

Telefonoa:

Emaila:

Akekide izateaz gain, parte hartu nahi dut:

EKITALDIAK mahaian	<input type="checkbox"/>	KULTURA mahaian	<input type="checkbox"/>
KIROL mahaian	<input type="checkbox"/>	TRANSMISIO mahaian	<input type="checkbox"/>
KOMUNIKAZIO mahaian	<input type="checkbox"/>	BESTERIK	<input type="checkbox"/>

Data: _____

Sinadura

EPEA: 2020.urtea

GASTUA: Barne baliabideak

BALORAZIOA:

164 Akekide fitxa daude jasota.

IZENBURUA: AKEKIDEEN BATZARRA

DESKRIBAPENA:

AKEBAI Batzarra Akekideek osatzen dute eta plataformaren erabakigune nagusia da. Ekipoak deituko du, gutxienez urtean birritan. AKEBAI Batzarraren egitekoak dira Ekipoak egindako urteroko kudeaketa plana onartzea, eta AKEBAIren jardunaz hausnartu eta proposamenak egitea. Ikusi [araudian](#).



EPEA: 2020

GASTUA: Barne baliabideak

BALORAZIOA: Urte honetan segurtasunagatik, COVID 19ak sortutako alarma egoeratik, ez da batzarrik egin. Urteko lehen batzarra martxoaren 31an egitea aurreikusten zuen Ekipoak, baina egoera ikusita bertan behera utzi zuen asmoa. Urtean zehar egindakoen berri emateko Akekideei 2020ko memoria eta balantzea bidaliko zaizkie.

IZENBURUA: EKIPOA

DESKRIBAPENA: Euskararen Plan Estrategikoa abian jartzeko sortu den *Eibarren* AKEBAI plataformak duen egituraren geruzetako bat da. (BATZARRA eta MAHAIAK dira bestek). Nahiz eta kide batzuk bi urtez behin aldatu (mahaietako kideak eta euskaltegietako ordezkaria) Ekipoaren osaera finkatuta dago. Oro har, urteko kudeaketa planaz eta aurrekontuaz arduratzen da. Dagozkion egitekoak araudian daude zehaztuta. Gutxienez, hilean behin batzartuko da, eta gutxienez urtean birritan deituko du Akekideen Batzarra.



EPEA: 2020

GASTUA: Barne baliabideak

BALORAZIOA: Ekipoa urteko aurrekontua eta plana egiteaz arduratu da, eta adostutako ekintza eta egitasmoak bideratu eta horien jarraipena eta zabalkundea egin du urtean zehar. Ekipoko kideak ekintza-taldetan banatuta aritu dira, AKEBAIko beste kide eta eragile batzuen lankidetzarekin, egitasmoak aurrera eramaten. Urte honetan bizi izan dugun osasun egoerak asko baldintzatu du ekintzen betetze-maila. Aurreikusitako zenbait ekintza bertan behera utzi behar izan dira, martxan jarritako egitasmo batzuk eten edo egokitu... Martxorako aurreikusita zegoen Batzarra ere bertan behera utzi behar izan zen, eta segurtasunagatik edota une egokia ez zelako ez da urtean zehar batzarrik deitu. Akekideei urte honen balantzea bidaliko zaie, hala ere.

Partaideak izan dira:

Udaleko euskara teknikaria, ...eta kitto! Euskara Elkarteko normalizatzailea, Udal Euskaltegiko ordezkaria; Udaleko Euskara Batzordeko zinegotzia, Komunikazio mahaiko kide bat, eta koordinatzailea. 6 kide izan ditu Ekipoak 2020an.

12 bilera egin ditu urtean zehar Ekipoak, gehienak telematikoak:

[2020/01/13](#), [20/02/03](#), [20/02/24](#), [2020/03/16](#) (bertan behera), [20/05/11](#), [20/06/09](#), [20/07/01](#), [20/07/15](#), [20/09/03](#), [20/09/29](#), [20/10/19](#), [20/11/09](#) eta [20/12/02](#)

Bileretan elkartzeaz gain, Ekipoko kideek emailez, Whatsappez eta Driven bitartez egin dute harremana eta lana. Ekintza-talde bakoitzak bere martxa eta funtzionatzeko era izan du, zegokion ekintza bideratu eta burutzeko.

IZENBURUA: TOPALDIA: “Euskaltzaleen antolakuntza ereduez berpentsatzen”

DESKRIBAPENA: Euskaltzaleen Topaguneak urtero antolatzen duen ekitaldia da. Topaldia Jardunaldiak gogoeta eta hausnarketa bultzatu nahi ditu, eta oraingoan, XVII. edizioan, “etorkizuneko” euskaltzaleen antolatzeko modua izango da mintzagai. Eredu ezberdinak erakutsiko dira, eta horien artean Eibarren AKEBAIren esperientzia azalduko da; Udala eta Euskara Elkartearen egitura berean, elkarlanean.



TOPALDIA
Nola antolatuko da etorkizuneko euskaltzaleen mugimendua?
Otsailak 6, Bilbo
Bizkaia Aretoa (EHU)
Izen ematea eta informazioa:
topagunea.eus/topaldia

Aurkezle-moderatzailea: Garikoitz Goleoetxea (Berriako kazetaria eta Galtzaundiko kidea)

9:00 Harrera

9:15 Hasiera ekitaldia

9:30 Euskara Elkarteak: ohiko antolaketa ereduak eta aukera berriak
Dokar Zapata Solano (Euskaltzaleen Topagunea eta Karrikaluzeko Euskaltzaleen Topagunea)

10:00 1. blokea: Elkarlanean eredu partekatutak
Galtzaundiren eskualdetzea eta Tolosaldeko Euskararen Mahaia
Mikel Artola Izagirre (Tolosaldeko Galtzaundi Euskara Elkarteak)
Udala eta Euskara Elkartearen egitura berean. Eibarreko Akabaiaren esperientzia
Idoia Argotia Urkioia (Eibarren Akabai) eta Ainara Lavado Alonso (...eta kittol! euskara elkarteak)

Elkarriketa

10:30 Atsedena eta kafea

12:00 2. blokea: Euskaltzaleen komunitatearen antolatzeko esperientziak
Lautadako Euskararen Komunitatea. Entitateak erdigunean
Aster Lafuente Ruiz de Sabando (Lautadako Euskararen Komunitatea eta Oibeko Euskara Elkarteak)

Perfektuak diren Derioko euskaldun perfektuak komunitatea
Txarra Rodriguez Gomez (Derioko Tximintz Komunitatea)

DET, euskaltzaleak herrietan, auzotan eta hirian
Maddi Juankarrena Diaz (Bagera, Donostiako Euskaltzaleen Elkarteak)

Elkarriketa

14:00 Bazkaria

15:15 3. blokea. Berrikuntza soziala
Mugimendu sozialaren rola berrikuntza sozialean
Igor Calzada (Bifordoko Unibertsitateak)

Erabiltzaileen kooperatiba integrala. Aiaraldeko esperientzia
Gartzen Garraio Alxurra (Aiaraldeko Kooperatiba Elkarteak)

Elkarriketa

16:30 Esperientzien analisi berriraketa
Andere Ormazabal Gaston eta Zesar Martinez Garcia (Joxemi Zumalabe Fundazioako kideak eta EHUko irakasleak)
Inigo Inurratagi (Mandragon Korporazioko hezikuntza kooperatiboko arduraduna eta Loramendi euskara elkarteak)

17:30 Itxiera

Antolatzaileak: Babesleak: Laguntzaileak:

Euskaltzaleen topagunea Bizkaia



DATA: 2020ko otsailaren 6a

GASTUA: Barne baliabideak

BALORAZIOA: Bilboko EHUko Bizkaia Aretoa izan zen 2020ko Topaldia, otsailaren 6an. Antolakuntza ereduaren inguruko gogoetak ardatz zuen Topaldia. Jardunaldiak euskaltzale autoeratuaren tokian tokiko antolakuntza ereduak ezagutzeko, eta etorkizunera begira baliozkoak izan daitezkeen ereduaren inguruan elkarrekin pentsatzeko espazioa sortzeko aukera eskaini zuen.

IZENBURUA: EUSKAL ESKAINTZAREN ZABALKUNDEA

DESKRIBAPENA: AKEBAIko Kultura mahaiak hilero euskararen agenda prestatzen du. Agenda horretan Eibarren euskaraz edota euskararen inguruan antolatzen diren ekitaldien berri ematen da, eta horien zabalkundea egiten da Eibarren AKEBAIren webgunean eta sare sozialetan (Facebook, Telegram)).

Euskararen agendaren zabalkunderako ez ezik, AKEBAIren beste egitasmo batzuen berri emateko ere baliatzen dira webgunea eta sare sozialak. Twiter eta Instagram ere erabili dira, batez ere Euskaraldiaren zabalkunderako.

The image displays a collage of digital content related to AKEBAI. At the top left is the AKEBAI logo. Below it is a website banner for 'EUSKARALDIA' (Euskal Eskaintzaren Zabalkundea) with the text 'GEHIAGO, GEHIAGOREKIN, GEHIAGOTAN' and 'Azaroaren 20tik abenduaren 4ra'. Below the banner is a section titled 'AZKEN ALBISTEAK' (Latest News) featuring three articles: 'EUSKARAREN EGUNA EIBARREN', 'EIBARREN ANIZTASUNA IKASGAI', and 'Kike Amonartziak Eibarren emandako saloia itzulgi'. To the right is a screenshot of a Telegram channel 'Eibarren euskaraz' with 123 subscribers, showing a post about 'DOLAN KATUA' and a video thumbnail. Below the website is a Facebook profile for 'Eibarren AKEBAI' (@EibarrenAkebai) with 674 followers and 202 following. The profile bio states: 'Eibarko hiriaren euskararen Plan Estrategikoa da EIBARREN #AKEBAI. Egitasmo ireki eta parte-hartzailea da, 10 urteko epean Eibar euskaldunago bat lortzeko.' To the right of the Facebook profile is a list of contact information: 'Eibarko hiriaren euskararen Plan Estrategikoa da EIBARREN AKEBAI. Egitasmo ireki eta parte-hartzailea da, 10 urteko epean Eibar euskaldunago bat lortzeko.', 'Eibarko Udalak "Eibarko Hiriaren Euskararen Plan Estrategikoa" onartu zuen 2016-2025 epeadira. Plan Estrategiko hori 50 herritarren parte-hartzearek... Ver más', 'A 585 personas le(s) gusta esto, incluido(s) 41 de tus amigos', '629 personas siguen esto', 'http://www.akebai.eu/', '+34 943 70 84 44 (4201)', 'Enviar mensaje', 'eibarrenakebai@gmail.com', and 'Comunidad'. At the bottom right is an Instagram profile for 'akebaieibarren' with 74 messages, 415 followers, and 713 following. The bio reads: 'AKEBAI Eibarko hiriaren euskararen plan estrategikoa! akebai.eu/eibarren-akebai'.

EPEA: 2020. urtea

GASTUA: Barne baliabideak

BALORAZIOA: 3 agenda atera dira guztira; martxokoa, azkena. COVID 19ak sortutako alarma egoeraren ondorioz, aurreikusitako ekitaldiak bertan behera gelditu ziren hasiera batean.

Zabalkunderako honako kanal hauek erabili dira: e-maila (agendaren banaketazerrenda), webguneak (eibar.eus, akebai.eus), sare sozialak (Facebook, Telegram), whatsapp taldeak

“Eibarren euskaraz” Telegram kanalak 15 kudeatzaile ditu, Eibarko kultura eragileak, eta 123 harpidedun. 96 informazio-mezu zabaldu dira urtean zehar.

akebai.eus webguneak 2.865 bisita izan ditu 1.475 erabiltzailek eginak. 18 albiste argitaratu dira 2020an.

Eibarren Akebai Facebook-ek 629 jarraitzaile ditu eta 585 lagunek atsegin dute. 164 albiste kaleratu/partekatu dira.

Eibarren Akebai Twitterrek 202 jarraitzaile ditu eta **akebaieibarren Instagramek** 418

IZENBURUA: EIBARREN ANIZTASUNA IKASGAI: 101 ELE

DESKRIBAPENA: AKEBAIren babesaz eta laguntzaz eta LHko ikastetxeen lankidetzaz egin da *Badiharduguk* prestatutako ekimen hau. Eibarko ikastetxeetako aniztasuna jaso eta ezagutaraztea da “Aniztasuna ikasgai” proiektuaren helburuetako bat. Horrekin batera, Euskarak integrazio hizkuntza gisa duen balioa ere nabarmenduko da, guraso asko seme-alaben bitartez gerturazten baitira euskarara.

Eibarko LHko zazpi ikastetxeetan egin diren elkarrizketak dira proiektuaren oinarria. Testigantza horiekin bi ikus-entzunezko eta ikas-unitatea prestatu dira, ikastetxeetan erabiltzeko eta jasotakoa herrian ezagutarazteko. Familiak euskarara hurbiltzeko eta euskarak gizarteratzeko duen balioaz jabetzeko ere balioko du egitasmoak.



DATA: 2019-2020

GASTUA: 11.260 € (2019an)

BALORAZIOA: 2019-2020 ikasturtean zehar aukeratutako 10 guraso eta 10 umeei elkarrizketak egin, grabatu eta edizio lanak egin ondoren, bideo-pasarteak sailkatuta jarri ziren ikusgai ekainean: <https://1011.ahotsak.eus/herriak/eibar>
2020ko irailerako bi ikus-entzunezkoak eta ikastetxeetan lantzeko ikas-unitatea prestatuta zeuden aurkezpena egiteko. Baina COVID 19ak sortutako alarma egoeratik atzeratu eta egokitu egin behar izan da egitasmoaren azalpena eta materialaren aurkezpen orokorra eta zabalkundea. Azkenean, azaroaren 17an prentsaurrekoa egin zen udaletxeko Pleno Aretoan, egitasmoan parte hartu eta lagundu dutenen ordezkariak (AKEBAI, Badihardugu, LHko ikastetxeak eta Eibarko Udala) eta prentsa gonbidatuta. Prestatutako bi ikus-entzunezkoak eta gida didaktikoa ikastetxeen eta nahi duten guztien eskura jarri dira "Ahotsak ikasgelan" webgunean: <https://ikasgelan.ahotsak.eus/fitxak/eibarren-aniztasuna-ikasgai>. Ikastetxeetan ikusi beharko dute ze egokiera duten unitate didaktikoa lantzeko. Hala ere, material hau geroago ere baliagarria izango da ikastetxeetan erabiltzeko.

IZENBURUA: MUSIKALA

DESKRIBAPENA: Ikuskizun multi-disziplinari bat (dantza, gidoigintza, antzerkia, musika, jantzigintza, kantua, komunikazioa, kudeaketa...) antolatzeko prozesuak dakartzan onura guztiak dituzenez, Eibarko nerabe eta gazteen egituratze sozial eta linguistikorako tresna ezin hobe da musikala.

Eibar BHI-Isasi ikastetxean horrela ikusi dute, eta Hauspoa programaren barruan sartu dute musikala. Horrela, ikasleek euskara modu ludikoan erabiltzen dute, eremu akademikotik at, eta bide batez kohesioa eta talde identitatea indartzen da.

DBHko ikasleek urritik maiatzera bitartean antzerki, kantu eta dantza tailerretan musikala prestatu ondoren, Coliseo antzokian hainbat emanaldi burutzea da helburua. Andrea Covadonga aktore eta kantaria izan da tailer horien gidari.

GEZURRAK

Zer da gezurra?

Gezurra errealitatea osorik edo neurri batean faltsutuz nahita egiten den baieztapen bat da.

G
E
Z
U
R
R
A
K



EIBAR BHI IKASLEEN ESKUTIK
ZUZENDARIA: ANDREA LÓPEZ

Antzezlan honetan, eszenen bitartez, bizitzan esaten diren hainbat gezur aurkituko dituzu. Lagunak, gurasoak, irakasleak, ikasleak, denok murgiltzen gara mundu honen inguruan.

Zuk esan al duzu inoiz gezurrik?

EPEA: 2019-2020 ikasturtea, urria-maiatza bitartean. (Martxoan eten egin da)

GASTUA: 2.250 € (2019an) + 2.250 € (2020an)

BALORAZIOA: 54 ikasle, 45 neska eta 9 mutil, nagusiki DBH1ekoak aritu dira musikala prestatzen, Andrea Covadongaren gidaritzapean (AKEBAIk finantziatuta), ikastetxeko irakasleen eta guraso elkartearen laguntzaz.

“*Gezurrak*” izena eman zioten proiektuari. Izenburua, gidoia, emanaldien datak ... ; guztia zehaztuta zegoen, baina martxoan eten egin behar izan zen egitasmoa, COVID19ak sortutako alarma egoeragatik. Ikasleek ezin izan zuten musikalaren prestaketarekin jarraitu, eta ez zen modurik ikusi Coliseoko emanaldiak udazkenera pasatzeko ere. 2020-2021 ikasturtean, Hauspoan, bakarrik errefortzurako saioak ematea erabaki zuen ikastetxeak.

IZENBURUA: EUSLIDERRAK

DESKRIBAPENA: Eibarren AKEBAIk DBHko ikastetxeekin lankidetzan *EUSLIDERRAK* egitasmoa jarri zuen martxan 2018-2019 ikasturtean, eta 2019-2020 ikasturtean jarraipena egin da. Egitasmo horretan DBH3 eta DBH4ko ikasleek hartu dute parte. Helburua hizkuntza ohituretan eragitea da, jabetzeta eta ahalduzko-prozesu baten bidez.


Ahize AEK-ko irakasleek gidatu dute proiektua, AKEBAIk finantzatuta.

Hiru fase ditu:

- Moskeo kanpaina
- Saiok / tailerra
- Ekintza soziala

Bi ikasturtetan zehar landu da programa da, 2018-2019 eta 2019-2020, bi ziklotan. I. zikloko parte-hartzaile eusliderrak (boluntarioak) beraiek dira II. zikloko saiok gidatuko dituztenak.

**Ekintza sozial ikaragarri
bat genuen esku artean...**



**Baina koronabirusak
den-dena zapuztu digu.**



EusLider: Gazteentzat euskara atsegin eta dibertigarria egitea helburu

EusLider

ETA KITTO



Aurtengo ikasturtean Eibarko DBH-ko ikastetxeetan (Eibar BHI, La Salle eta Aldatzel) DBH 3 eta 4ko ikasleek eusLider egitasmoaren bigarren zikloa hartu dute. DBH 4-ko 70 bat ikasle boluntario (eusLider) aritu dira DBH 3-ko ikasleek (290 inguru) saiok ematen. Hauek dira eusLiderrak saioen helburuak: hizkuntzekiko jarrerak landu, eraldaketa sustatu, portaera berriak sortu eta hizkuntza-lidergoia indartu. Azkenean, jabetza eta ahalmentze prozesu batez dihardugu.

EPEA: 2019-2020 ikasturtea

GASTUA: Eusliderrak II. zikloa: 6.534 € (2019an)

BALORAZIOA:

II. zikloko hasierako faseak 2019ko urria-azaroa bitartean burutu ziren. Aurreko ziklotik, 2019-2020 ikasturtean DBH 4. mailan aritu diren 70 bat ikasle (3 ikastetxeetakoak) boluntario azaldu ziren prestaketarako 3 saio jasotzeko. Saio bakoitza jaso ondoren, binaka edo hirunaka, DBH 3ko ikasleei (290 ikasle) eurek eman zizkieten hizkuntza ohituretan eragiteko saiok. Ikasleak sensibilizatu, hizkuntzen garrantziaz jabetu eta haien arteko euskararen erabilera informala sustatzeko tailerra egin da.

Aurtengo zikloari amaiera emateko, “ekintza soziala” prestatuta zegoen martxoaren 27rako, baina COVID 19ak sortutako alarma egoeratik bertan behera geratu zen. Horren ordez, eta egitasmoari behar bezalako amaiera emateko, sare sozialetan zabaltzeko bideoak egin dituzte eusliderrek; ekintza sozial birtuala antolatu dute. <https://youtu.be/-UrWFqZ0Kgc>, <https://youtu.be/MIOhrL6AmkU>. Uztailaren 10eko ...eta kitto! [aldizkariaren alean](#) eman zuten horren berri eusliderrek.

Proiektuaren balorazioa positiboa da, nahiz eta aurreikusitakoa ezin izan den burutu COVID 19 gaitza dela eta. Hala ere, ordezko ekintzak antolatu dira, eta eragina izan dute.

IZENBURUA: JIRA BUELTAN TAILERRAK

DESKRIBAPENA: *Badiharduguk* sortutako “Jira bueltan” kanta eta jolasen liburuxka-DVDa oso baliagarria eta egokia dela deritzo AKEBAiko Transmisioa mahaiak LHko ikastetxeetan gunen informaletan, ikasgelatik at, ikasleen arteko euskararen erabilera sustatzeko. Material horren lanketa egiteko eskoletako jangelen jolas orduak aprobetxatuta, Astixa Animazio Zerbitzuko begiraleek 2 saioko tailerrak eman dituzte ikastetxeetan, jangeletako hezitzaile eta HH5 eta LH1 mailetakoko umeekin (5 eta 6 urte) jolasak lantzeko.



EPEA: 2019-2020 ikasturtea, 2. Hiruhilekoa; urtarrila-martxoaren bitartean.


GASTUA: 2.035 €

BALORAZIOA: Astixako hezitzaileak ikastetxe guztietatik pasatu dira jolasak eta abestiak irakasteko. Saioak hasi aurretik, jorratu beharreko jolasen azalpenak jantokiko arduradunei banatu zaizkie beraiek aurretik ere landuta izan ditzaten.

Guztira 60 saio egin dira, 45 minutukoak, eta Astixako 4 hezitzaile aritu dira zeregin horretan. 2020ko urtarrilaren 21etik martxoaren 4ra, asteleheneetik ostiralera, 12:00etatik 14:30era bitartean eman dira saioak. Jira Bueltan liburutik 14 jolas aukeratu dira, 5 urte eta 6 urteko umeentzat egokienak. Jantokiko hezitzaileak umeekin batera murgildu dira jolasetan. Umeen harrera, orokorrean ona izan da, eta saioa aurrera joan ahala gusturago aritu dira proposatutako jolasetan. Jantokietako hezitzaileek hurrengo egunetan ikasitako jolasetan arituko zirela adierazi zuten.


IZENBURUA: SUPER AKEAK

DESKRIBAPENA: LH 2. mailan landuko da egitasmoa, Eibarko zazpi ikastetxeetan. Euskarri ezberdinak erabiliz (komikiak, mahai-jokoak, bideoak, antzerkia, ...) euskararen inguruko hainbat portaera jarriko dira agerian, eta umeez egindako lanketa horren bitartez gurasoengan inpaktua sortzea da helburua. Horrez gain, umeez mezu bat jasoko dute: euskarak osoago eta zorientsuago egingo dituela. AKEk, etorkizunetik datorren pertsonaiak, misio bat jarri die; umeez, super heroi bihurtuta (Super Akeak), Eibar hobea egiten lagunduko diote: garbiagoa, euskaldunagoa,... Bide horretan, balio ezberdinak landuz (euskararen erabilera, genero berdintasuna, aniztasuna, ekologia...) hainbat ekintza burutu behar zituzten urtariletik ekainera bitartean.



AKEKLIK

<p><i>Super Ake (2. aldiz)</i> <i>Super Ake izateko Eibar hobea</i> <i>Super Ake</i></p> <p>Abe balae liskar gabee onkoz hobee Ake lahet gustotio egin dezahet</p> <p><i>Super Ake (2. aldiz)</i> <i>Super Ake izateko Eibar hobea</i> <i>Super Ake</i></p> <p>Abe pora danok berdinak gare eta guztien aurrean Ake lilik!</p> <p>Abe lilik... Euskaraz dabilit Ake lilik egin lilik bihotzetik Ake lilik euskaraz dabilit Ake lilik egin lilik bihotzetik</p>	<p><i>Super Ake (2. aldiz)</i> <i>Super Ake izateko Eibar hobea</i> <i>Super Ake</i></p> <p>Abe balae... Ake lahet... Ake pora... Ake lilik</p> <p>Hizkuntza berean ... hitz egiteak... batuko gaitu... Eibarko biztanleak... Hizkuntza berean hitz egiteak Batuko gaitu Eibarko biztanleak</p> <p>(Baxu-baxu) <i>Super Ake (2. aldiz)</i> <i>Super Ake izateko Eibar hobea</i> <i>Super Ake</i> (Altu) Abe balae Ake lahet Ake pora Ake lilik</p>
---	--



SUPER



AKEAK

DATA: 2019-2020 ikasturtea.

GASTUA: 4.688 € (2019an)

3.599 € (2020an)

Materiala, pertsonaia sortzea, AKERen agerraldiak, erronkak iragartzeko bideoak, abestia sortzea ...

BALORAZIOA: LHko zazpi ikastetxeetan jarri da martxan egitasmoa, 2. mailako ikasle guztiekin. 2019-2020 ikasturteko lehen hiruhilekoan egitasmoa martxan jartzeko prestaketa egin zen (AKE sortu, unitate didaktikoa prestatu, txapa, berba gakoak, komikia, mahai-jokoa...). 2020ko urtarriletik ekainera bitartean burutu behar ziren erronkak honako hauek ziren: AKERen bisitan Super Ake bihurtzeko konpromisoa hartu (txapa) eta AKEberbak eta keinuak ikastea, komikia betetzea jarrerak aztertuta, mahai jokorako taula prestatu eta Akejokoa aritzea, gurasoei euren misioaren berri emateko ekitalditxoak prestatzea (diploma banaketa) Portaleko Areto Nagusian, eta Tantanez tantan egunean herritarrei misioaren berri ematea. Baina martxoan eten egin behar izan zen egitasmoa, COVID 19ak sortutako alarma egoeratik. Ikasleak ikastetxeetara bueltatu ez zirenez, egokitzapen batzuk egin ziren: AKERen bideo egokituak prestatu ziren ikasleei bidaltzeko; Super Akeen abestia sortu zen ikasleei bidali eta koreografia eta letra ikas zezaten; AKEk bukaerako lantxo bat eskatu zien

...

AKERen bisitarekin ikasleak guztiz murgildu ziren egitasmoan, eta ume asko hunkitu ere egin ziren AKE ezagutzean. Oso harrera ona izan zuen, eta ikastetxe guztietako tutoreak oso inplikaturik zeuden proiektuan. Martxora arte dena oso ondo zihoan, ordura arteko alde guztien balorazioa ezin hobea zen. Alarma egoerak ekarri zuen etenaren ondorioz, indarra galdu zuen, eta ezin izan zen burutu nahi zen bezala.

IZENBURUA: HAMAIKA BERBALDI

DESKRIBAPENA: “Hamaika berbaldi” egitasmoaren helburuak honako hauek dira: herritarrak aktibatzea, hizkuntza eskubideak ezagutaraztea, euskaldunok ahalduntzea, euskararen aldeko diskurtsoa berritzea...

2020ko udazkenerako (urria-abendua) 2 saio antolatu ziren hizlari berarekin, Kike Amonarrizekin. Lehenengoan “*Berrindartu eta jauzi*” txostenaren aurkezpena egitea zen helburua, eta bigarrean, txostenaren aurkezpena jaso ondoren, Eibarrera etorrita, Kikerekin batera hausnarketa egiteko tartea hartzea.

hamaika BERBALDI




KIKE AMONARRIZ
“Berrindartu eta jauzi”,
euskara biziberritzeko ezinbestekoa

Urriak 27, asteartea, 18:30ean
Portaleko Areto Nagusian

DOAN

Aforogatik, aurretik izena eman behar da:
 eibarrenaakebai@gmail.com / 943 70 84 26
 Leku gabeko gektituz gero, zuzenean ikusteko aukera izango duzue
 AKEBAI-ko Facebook kontuan (@EibarrenAkebai)



EPEA: 2020ko udazkena (urria-abendua)

GASTUA: Barne baliabideak
 Hizlaria eta publizitatea: 1.558 €

BALORAZIOA: Saiok urriaren 27an eta azaroaren 18an egin ziren

Urriaren 27ko saioa “*Berrindartu eta jauzi, euskara biziberritzeko ezinbestekoa*”, aurrez aurrekoa izan zen, eta Facebook bitartez ere emititu zen. Portaleko Areto Nagusian egin zen, eta zehaztutako aforoak onartzen zuen beste entzule izan ziren bertan. “Berrindartu eta jauzi” txostenaren aurkezpena egin zuen Kikek, eta bai antolatzaileek eta bai entzuleek balorazio ona egin zuten.

Azaroaren 18ko saioa telematikoa izan zen: “*Berrindartu eta jauzi. Zer egingo dugu Eibarren?*”. Eibarko euskararen plan estrategikoa garatzeko geratzen diren 5 urteetarako lehentasunak eta erronkak zehaztea zen helburua. 16 lagun elkartu ginen saioan, eta eragiteko gaitasuna

eta lehentasuna kontuan hartuta, hurrengo urteetan zein erronkari heldu adostu zen. Egindako lanketaren ondoren, Kike Amonarrizek bere gogoeta azaldu behar zigun, baina arazo teknikoengatik saioa eten egin behar izan zen. Kikereren gogoeta idatziz bidali zitzaizen saioan egon ziren kide guztiei, eta azaroaren 24an jarraipena eman zitzaion saioari, aurrez aurre, udaletxeko patioan.

Saioen balorazioa ona izan da, eta egondakoak gustura atera ziren. Ideiak eta iritziak partekatzeak indarberritzeko eta ilusioa pizteko balio izan zuen.

IZENBURUA: EUSKARALDIA

DESKRIBAPENA: Topaguneak eta Eusko Jaurlaritzak abiatutako ekimenaren 2. edizioa Euskal Herri osoan gauzatu da 2020an: azaroaren 20tik abenduaren 4ra bitartean. Herritar euskaltzaleak aktibatuta, **hizkuntza-ohiturak aldatzea** da dinamikaren helburua; euskaltzaleak aktibatu beren egunerokoan euskaraz bizitzeko urratsak eman ditzaten.

Aurreko dinamika bera izan da eredu: **ahobizi** eta **belarriprest**. Baina edizio honetan entitateei konpromiso handiagoa eskatu zaie; **ariguneak** (euskaraz aritzeko guneak) izendatu beharko dituzte

AKEBAI arduratu da Eibarren Euskaraldiaren antolaketa eta kudeaketaz.



Eibarren Euskaraldian

343 arigune 

 555 belarriprest

1.822 ahobizi 

EPEA: 2020

GASTUA: Materiala: 1.518 €

BALORAZIOA: Euskaraldiaren 2. edizioa herrian antolatzeaz arduratu da AKEBAI. Horretarako hainbat lan egin dira: Topaguneak deitutako foroetan parte hartu; antolaketan laguntzeko herri batzordea indartzeko ahalegina egin; “**Etxealditik Euskaraldira**” ekimenaren zabalkundea egin; entitateekin harremanetan jarri eta informazioa zabaldu, izena eman zezaten Euskaraldian parte hartzeko; entitateen izen-ematea eta ariguneetarako material banaketa kudeatu; norbanakoen izen-ematea eta txapa banaketa kudeatu... Urte honetan bizi izan dugun egoerak ez du batere lagundu zeregin hauetan; jendea elkartzeko eragozpenez gain, giroa eta animoa ere ez dira izan egitasmoa aurrera eramateko egokienak. Hala ere, ahal izan den moduan eta egin ahal izan diren egokitzapenak eginda, burutu da Euskaraldia bai Euskal Herri mailan, eta bai Eibar mailan.

Etxealditik Euskaraldira: 3 astez zabaldu zen ekimena; apirilaren 13tik maiatzaren 3ra bitartean. Lehengo astean prestaketa lanak eta beroketa egin ziren, eta bigarren eta hirugarrenean hizkuntza ohiturak aldatzeko proposamenen pilulak zabaldu ziren sare sozialetan. 10 bideo zabaldu ziren guztira: Aurkezpen bideoa, Etxeko hizkuntza ohiturak aztertzeko ariketa, Jolastu euskaraz, Online poteoa, Bazkari etxekoia (denok batera), Esker mezuak, Erosketak, Zinema etxean, Bizipenak partekatzeko deia, Bizipenak-adibideak. Ekimen honen helburua zen etxealdian geundela aprobetxatuta, gure hizkuntza ohituren inguruan hausnartzea eta ohitura horiek aldatzeko ahalegina egitea emandako aholkuak jarraituta.

Entitateei (enpresa, elkarte, denda, taberna, ikastetxe...) gutuna bidali zitzaien egitasmoaren berri emateko, interesatuak AKEBAIrekin harremanetan jartzeko gonbidapena eginez. Izen-ematea irailaren 27ra arte luzatu zen, eta Eibarren 83 entitatek eman zuten izena eta 343 arigune osatu zituzten.

Norbanakoen izen-ematea irailaren 24tik azaroaren 24ra arte luzatu zen. Izen-ematea online egitea hobetsi zen, baina mahaiak ere jarri ziren asteburuetan Eibarko hiru gunetan (Urkizu, Untzaga eta Amaña/Legarre), izena emateko eta txapa jasotzeko. Eibarren Euskaraldian parte hartzeko 555 lagunek eman zuten izena belarriprest rola hartzeko eta 1.822 lagunek aukeratu zuten ahobizi rola.

IZENBURUA: TANTANEZ TANTAN

DESKRIBAPENA: TANTANEZ TANTAN bi urtetik behin Eibarko Euskaigintzak antolatzen duen giza katea da. Urez betetako gantxila eskuz esku eramaten da Untzagaraino, euskararen irudikatuz.



DATA: 2020ko maiatza

BALORAZIOA: Bizi dugun egoerak hala behartuta, gantxilaren eguna ezin izan zen kalean ospatu, eibartarron artean. Euskaigintzak eta AKEBAIk elkarlanean egiteko aurreikusita zeukatena (Super Akeen aurkezpena) ezin izan da egin. Hala ere, Eibarren euskaraz bizi nahi dugula aldarrikatzeko modua bilatu zuen euskaigintzak.

Deialdia egin zuten Eibarko euskalgintza osatzen duten taldeek, euskarari indarra eta hauspoa emateko herritarrek euren bideoak bidal zituzten, eta erantzuna bikaina izan zen. Bideo polita egin zuten jasotako guztiak batuta: <https://youtu.be/jUO1Qv2toRQ>